

Aruba Aloe ta celebra reconocimiento di e certificacion internacional ISO

Ratificando nan number di excelencia den e calidad halto di su productonan,

Aruba Aloe a wordo otorga riba dia prome di april di e aña aki dos prestigioso certificacion di e "International Organization for Standardization (ISO)".

Siman pasa riba diabierna dia 29 di mei, Aruba Aloe a celebra oficialmente su ultimo logronan aki na nan Museo, Fabrica y Tienda situa na Hato, den compania di mandatarionan, miembronan di prensa, empleadonan y otro invitadonan presente.

E Organizacion Internacional pa Standarisacion (ISO), ta mundialmente reconocida como e mas grandi desaroyado di standard internacional pa companianan.

E diferente certificadonan otorga pa ISO, cu ta reconoce e cumplimiento cu e

Standard internacional ta hopi respeta rond mundo henter.

Despues di a wordo sometida na un proceso riguroso di audita, Aruba Aloe a wordo otorga cu e certificacion ISO 90014 pa nan calidad den e sistema di maneho y e certificado ISO 13485 cu ta demostra cu nan ta cumpli cu e rekisitonan necesario pa produci productonan medico, manera "Allydran".

Durante e celebracion, e Director di Operacion Sr. Koos Veel a subraya con

impresionante e ta cu Aruba Aloe a logra e dificil tarea aki den un periodo relativamente corto, menos di un aña. "E compania a haci e trabou di auditoria durante cinco dia y ora nan a termina, nan a declara cu hopi pais Europeo por siña di Aruba Aloe". E director tambe a señala cu Aru-



ba Aloe ta e prome compania na Antias cu ta poseedo di e dos certificadonan aki.

Segun e Director General Sr. Walter Mosher, "E certificadonan aki ta habri e portanan pa asina Aruba Aloe por sigui expande su Mercado di exportacion, cu

actualmente ta inclui mas di 25 pais". E la continua bisando cu "Den e ultimo tres aña, Aruba Aloe a conoce un crecemento cu ta inclui 15 tienda y nos a duplica e cantidad di personal. Pronto nos lo cuminsa cu nos website na Europa, un tienda na Amsterdam y un Fabrica di Habon den nos Caya Principal na Playa.

Despues di 125 aña di existencia, Aruba Aloe ta orguyoso di bisa cu nan ta continua dunando apoyo na e econo-



mia di Aruba y representando nos isla rond mundo".

Aruba Aloe ta un compania Arubano cu ta haciendo algo excepcional pa un isla asina chikito.

Despues di e varios discursonan, Minister President a desvela e Certificado ISO cu

a ser coloca cerca di e entrada di e porta principal na e facilidad di Hato.

Entrante awor, anualmente e compania cu base na Belgica, SGS, lo regresa pa sigura cu Aruba Aloe lo sigui tene su mes na e standard di calidad necesario pa e certificacionnan aki. □

